

Chechemeni: Aramas Mi Fiti Ewe Programen Direct Housing Repwe Poputa Le Mönatiw Liwinin Ar Rent Poputa Lon March Eu

Release Date: February 5, 2025

LAHAINA, Maui – Ekkewe aramas mi manaw seni ewe ekkei mi fis, ir ekkewe mi fiti an FEMA we programen Direct Housing repwe osun ar repwe poputa le mönatiw ar rent lon March 1, 2025. Repwe sopwelo le pungutiw rent lupwen a chuen fiffis an FEMA we housing assistance program mi alisi aramas ren imwer, ewe program epwe sopwosopwolo tori Feb. 10, 2026.

Ekkewe aramas mi fiti ewe program ra fen angei nour 90-ran, 60-ran me 30-ran taropwen esilesil usun ewe rent repwe le pungutiw.

Liwinin ewe rent a kefilita alongolong won an ewe U.S. Departmentin Housing me Urban Development 2025 Fair Market Rent lon Maui pwal kapachelong tufichin an ewe famili le möni ar rent.

HUD Asamen Tolong: [FY 2025 Final Fair Market Rents Documentation System — Select Geography](#)

Sia pesei ngeni chon lon ewe imw pwe repwe sopwelo le kapas fengen me nour recertification advisor pun i epwe alisir o filata epwe met ukukun liwinin ar rent. Ekkewe chon nonnom lon ewe imw repwe tongeni tungor pwe FEMA epwe amokunatiw ukukun liwinin ar rent, alongolong won met ir ra tufichin möni. Inamwo nge a wor 60 ran seni ewe fansoun ir ra angei nour we 30-ran esilesil usun auchean ar repwe pungutiw rent pwe ekkewe chon nonnom lon ewe imw repwe tungor pwe epwe kisikisilo ukukun liwinin ar rent, sia fokkun pesei ngeni ekkewe aramas pwe repwe fori ukukun ar tongeni pwe repwe mwitir uwalong ar tungor pwe epwe kisikisilo ar rent fengen me ekkewe taropwe mi auceha ngeni ar case.



FEMA

Page 1 of 2

FEMA a fokkun pesei ngeni ekkewe famili pwe repwe fori ukukun ar tongeni pwe repwe uwalong ar tungor pwe epwe kisitiw liwinin ar rent pwe epwe tongeni pwonueta me mwen March 1 lupwen aramas repwe poputa le monatiw rent. Ika repwe witiwit le uwalong nour kewe taropwen tungor, iwe, epwe pwal mang an FEMA epwe filata ika epwe tongeni kisitiw liwinin ar rent. Lupwen ei epwe fis, ekkewe famili mi witiwiti an epwe kisikisilo liwinin ar rent repwe fokkun mönatiw ewe liwin mi fen kefilita ngeniir me lepoputan tori FEMA epwe wes me filata met epwe fis ngeni ar case. Lupwen epwe tou meefien FEMA faniten liwinin ar rent, ika epwe kisikis seni met ir ra fen mommoni, iwe, FEMA epwe eliwini ika refund ngeniir ewe ukukun mi lullulo.

FEMA epwe sopwelo le fang unus ngeni an epwe alisi ekkewe aramas chon Maui ar repwe nonnomwoch sefal mwirin ewe ekkei, epwe pwal alisi ekkewe aramas mi manaw seni ewe ekkei lupwen ir ra kutta ian repwe tongeni wiliposelo ie.

Ika ka mochen silei poraus mi fo faniten ewe angangen alilis mi wor faniten ekkewe aramas mi churi feiengaw pokiten ewe ekkei, iwe, kopwe feilo ngeni ewe websait mauicounty.gov, mauirecovers.org, fema.gov/disaster/4724 me [Hawaii Wildfires - YouTube](https://www.youtube.com/watch?v=KJLjyfXWzqU). Follow FEMA won social media: [@FEMARegion9](https://twitter.com/FEMARegion9) me [facebook.com/fema](https://www.facebook.com/fema).



FEMA

Page 2 of 2